

瀘溪縣志卷之一

封域志

殷周以前維封建羸秦以後維郡縣制雖各異而邑治則相沿其載在周官散於春秋戰國之書者可考也按圖而稽各專其境則各子其民都鄙郊圻畫疆而守視犬牙相入秉其阨塞地利雖寸壤所必計也慎固區域允茲保釐是蓋良司牧之責云志封域
肇置

瀘溪古隸南城禹貢屬揚州春秋爲吳吳亡入越越

瀘溪縣志

卷之一 封域

一

亾入楚秦分楚之南爲九江郡漢高帝元年項羽立黥布爲九江王四年改九江郡爲淮南國六年分淮南爲豫章郡命穎陰侯灌嬰以豫章南境爲南城縣後漢永元八年分南城西北境爲臨汝縣三國吳太平二年以臨汝縣爲臨川郡劉宋因之齊建元初徙臨川郡治於南城隋開皇九年楊武通奉使安撫改臨川郡爲撫州貞觀元年撫州隸江南道其後分江南東西道南城屬撫州隸西道咸通六年改鎮南軍中和二年危全諷起南城據撫州天祐六年全諷降

淮南楊隆演南城入於淮南升昭武軍節度天福二
年南唐李昇取吳改昭武軍爲撫州宋開寶二年南
唐升南城縣爲建武軍不屬撫州開寶八年師下江
南南城從建武軍歸於宋隸江西道太平興國四年
改建武軍爲建昌軍元豐四年劇賊廖息據邵武爲
亂知軍事鄭綽設撫建都巡檢使於邑東北之瀘溪
治以都巡檢使卽今邑治之地也治爲瀘水環流故
得名元因之明洪武三年改瀘溪都巡檢使爲瀘溪
巡檢司設巡檢一人後因地隔縣治一百六十里山

溪險阻治化難暨萬歷六年知府王之屏知縣范涑
議革巡司設縣治白其狀於撫按潘臬諸司議合會
疏以聞上下戶部覆議戶部奏便遂得請仍與縣額
爲瀘溪改巡檢司於泮牛市屬南城附知府王之屏
申文節畧 爲鑒往事竭愚衷創建縣治以靖地方
事照得守令之官最爲親民故府以統縣縣以統都
都統圖里輕重相維大小相制譬之人身以身使臂
以臂使指必血脈流通而後肢體無患一有壅滯小
則疥癬疴癢大則痿痺不仁矣故縣治之與都里必

其勢相聯屬而後控馭便利百姓環向而取則焉一
有間隔則抗違頑鈍之風起况建昌之地辨土爲山
國民俗多尙氣而山居爲尤甚附郭南城縣地方廣
袤四百里視各縣疆界獨廣爲都共七十二爲里共
二百三十五其自一都至五十五都俱與縣相連賦
稅訟獄頗爲易辦惟五十六都至七十二都列縣之
東北中隔金谿地二十餘里爲襟喉必由之道其內
六十都地名瀘溪去府城一百六十餘里道路險阻
非二日不能達雖鞭之長不及馬腹是卽一身而血

脈不通者也蓋該都於府寫遠一應官務俱爲不便
茲欲爲善後之圖豈晏然而不爲之所乎查得撫州
臨川縣之東鄉先年民俗刁橫訟獄煩興錢糧侵拖
號令不行故改建縣治然世遠不必論矣再查廣信
府興安縣蓋創於嘉靖近年也國初時浙之處州以
審民避役攜家定居於此後生齒漸繁遂至盤據山
谷而地方官司撫馭失宜乃羣起爲非當事者恐釀
日後之變遂議申前院勘明題准建爲縣治目今盜
息民安帖然禮讓之俗矣考該縣田地硤瘠人民稀

少且去府治不五十里去弋陽不七十里無山溪之隔也無異境之接壤也該府縣可兼而治矣而軫地方之慮者乃預爲桑土之謀今瀘溪視興安遠甚而地里寥濶不啻倍之况內隣撫廣外接光澤中阻金谿積成頑俗轉相倣效而以南城縣遙制之恐難以安枕而無憂也爲今之計似宜比照撫州之東鄉廣信之興安畧定界址東抵光澤南至大覺巒西至白玕北至金山大嶺割南城縣五十六都至七十二都共一十七都田地錢糧創置一縣况該都之地外可

以據險而設關內可以容民而蓄衆近則連絡各都
可以因勢而乘便地不改闢民不改聚創建甚爲得
宜合無候詳允示覆加踏勘仍咨本職移關各府創
建之例循已試之蹟鳩工聚財經營董治前所陳作
人材致富庶固封圉請責本職以效不效則欺罔之
罪不敢辭矣踏勘縣治申文 某年某月於瀘溪地
方週迴歷覽細加相度除橫板華家圳田西竹源鄧
方外自白玕以東一帶隔大嶺者六經村墟者七岡
巒起伏川原迴繞過石口十里源爲廟嶺兩山峭壁

中夾田澗總三府之路會入瀘溪俱可設立關柵以
便防守而該都東阻光澤北界貴溪南阨新城考形
勝爲四塞之地且其辟山擁護地勢開展瀘溪長古
二水俱發源於八閩瀘溪在其東由百花山經入北
流而帶於西南長古在其南由玉佩以入經流曲折
而西合於瀘溪并轉西北折入養老峯麓縈紆而出
十里東入初溪兩岸稍坦夷溪流始現更轉而入高
阜其來脈巽龍右抱坤龍左環土色潤澤草木蕃廡
人多清慧觀董荼於周原驗川澤於韓土該都風會

似亦稱聚查道里至南城一百六十里爲舖遞官道
至金谿貴溪界各約七十里東入福建界二十里西
十五里抵高阜達河洋嵩溪於各都道里頗爲適均
又該職歷行各都其父老里黨生童人等聚迎者不
約而至問之輒同詞稱便自遞甘結收附在卷至於
經畧縣治除廣仁寺官基城垣跨山外或各廢田畝
亦無退言已經張示曉諭候詳示之日議處給價且
自謂建立城郭則已田列爲市廛亦可獲利總是數
端得失利害之故居然可觀至於編派差役查得新

議官吏師廩生俸各役工食春秋祭祀鄉飲等項共銀六百一十五兩九錢相應加編查本府所屬南城南豐新城廣昌四縣賦役四差事宜南城每石派銀三錢七分五厘四毫七絲二忽比南豐新城廣昌獨輕編派之際各縣民情常有不均之嘆今照除前項新議官吏師生俸廩銀一百八十六兩九錢於南城縣秋糧內每石加派銀八厘二毫二絲五忽九微外其柴馬師生齋膳夫門皂舖兵禁子三名各工食等銀共三百九十六兩四錢亦於該縣四差均徭項下

丁糧每石加派銀九厘八毫三絲七忽一微及量編鄉飲銀八兩祭祀銀二十四兩六錢仍於里甲項下丁糧內每石加派銀三毫九絲五微零除俸糧外較之各縣尙爲輕省候下輸大造之日查將各都田糧分歸兩縣照依今議則例編派徵給其公費銀兩瀘溪偏僻所費不多南城附府事務煩繁合應照數徵解府庫轉發南城縣協濟供應實無偏累况旣經分縣則錢糧日清獄訟日減地方杜禍亂之萌斯民免阻隔之苦一勞永逸似爲長久之計於分厘之加增

其利害得失不啻徑庭矣巡撫都御史劉堯誨巡按御史趙燿會題疏畧 縣官之令難以遠及而下民之情難以上達故往往化理之難皆起於去縣遠也今按南城縣瀘溪地方去縣一百六十里道路遼阻山川迥遠其民日不覩官府耳不習法令且其中豬牙等山皆種 日有遊僧竊據其地樹旗集衆負險結廬一號召輒數百人相從若非先機撲滅必至燎原故該府深憂遠慮而爲建縣之請誠非勢之得已者也臣等又以事貴謀始未可輕易遂批行司道

委官覆勘今據各官反覆勘議取具里老人等甘結稱便前項地方委應比照興安縣事例創立縣治詢謀僉同該臣等看其以分疆界則就其都圖相連割南城縣一十七都丁糧分隸新縣仍屬建昌府管轄則民不改聚而縣治可成矣以計工費則原估銀八千餘兩該府歷歲頗稔倉穀所積甚多量將一半易價可得銀六千三百餘兩尙欠二千四百餘兩臣等於節年解剩紙贖銀兩內照數查給則不費民財而城宇可興矣以設官職則用知縣一員典史一員教

諭訓導各一員除知縣典史教諭另請銓選其訓導
臣等查府學設有四員內裁省一員調補至於生徒
吏役俱於該府撥給則員無冗費而官事可舉矣以
資俸廩則歲該銀六百一十餘兩據稱該府四縣惟
南城賦役獨輕人每有不均之嘆俟大造之年止於
糧差內量加毫厘卽足前數視各縣猶爲輕省則賦
無加重而經用有需矣及查瀘溪原設有巡檢司旣
立縣治則巡檢似爲虛具據勘該縣泆牛地方水陸
交衝山溪險阻盜賊不時公行商民屢經被劫卽將

巡檢移置此地則犄角其成巡緝有賴亦計之得者
也該府之所建議與司道各官之所覆查臣等叅詳
酌議竊以爲事關永逸當不惜乎一勞患涉可虞當
豫圖於未見況乎不勞而成功不費而事舉又似無
不可者伏乞勅下該部再加查議如果臣等所言不
謬早爲題覆准於前項地方開設縣治欽定縣名容
臣等行令該府委官募役先將城垣廨宇刻期築修
候功成有序方照原議奏請銓選官員鑄與印信印
記責令前來任事諸凡事宜以次舉行庶山僻之墟

化爲城郭抗悍之民知有法度未萌之變以消無窮之利可得矣緣係鑒往事竭愚衷創建縣治以靖地方事理合否未敢擅便等因題覆奉旨是縣治就名

瀘溪

附申報明益府助工銀兩

建昌府爲助工事萬歷七年四月二十五日准益府長史司牒本月二十四日承奉正高進等傳奉令旨瀘溪界於兩省且當三縣之衝去府旣遠控制爲難今建縣治銷患未萌遐方置於几席文物煥於熙時

瀘溪縣志

卷之一 工銀

九

不占有孚矣良由賢有司加意地方悉心民瘼大破拘孿之見獨爲經久之圖予世守茲土義當相助其成其美著永盈庫將貯存祿銀動支一百五十兩送長史司牒送建昌府收發瀘溪少資工費用副予藩與有司爲國爲民至意長史司知道因備奉移牒到府准此除牒解到府助工銀一百五十兩驗明隨令齎發南城縣驗收貯庫聽候建縣支用

星野

周禮保章氏以星土辯九州之地各有分星未言其

所以分也黃帝雖有星官之書鄭康成謂封域分星其書已亡獨班固漢書地理志載分野始詳費直以易卦配地域蔡雖以節氣當國分皇甫謐以月律配入辰次而事乃支矣大地全體九萬二千餘里以九州六千里膠合周天三百六十五度寸寸而量之極之於細數分秒徒見其鑿而欲密反疎矣今以十二次考之并與諏訾荆與鶉尾南北躔次相配也青東而元枵北雍西而鶉首南箕北而大梁西楊東南而星紀北是豈地在此卽星亦臨乎此而尺度分寸之

悉合也且其所爲書者彼此乖謬前後舛迕淮南天文志斗牽牛越須女吳蔡雖斗吳越黃廷堅斗楚呂覽彭蠡分星翼軫明一統志廬山志九江廬山俱斗牛分野黃帝分星起斗十度至婺女七度爲星紀費直則起斗十度至女五度蔡雖起斗六度至女二度晉志起斗十二度至女七度唐書初斗九度中二十四度終女四度郭守敬起斗三度七十六分八十五秒終女二度六分三十八秒新唐書武夷湘沅澧洞庭并入星紀此分星分次之代異也晉志豫章入斗

十度唐志入斗十三度終十四度西土南懷仁豫章
入斗七度游子六推建昌新城應在斗五度舊省誌
蒐遺書云南昌入斗八度饒州廣信同七度瑞州三
度撫州六度吉安九度贛州十二度南康臨江袁州
南安四度且晉志九江入斗一度遺書云入牛五度
章世純九江分野則牛七度九江在江南廬江在江
北九江一度豫章十度既自北入南而廬江六度又
自南入北何其相違戾之甚也昔賈公彥求南北分
星之故而不得取國語受封之始歲星所在以爲之

屬鄭夾漈謂諸國分星命以主祭皆爲附會強合郡
國所入宿度之說始於魏太史令陳卓詳於明初龔
敷王本輩或一數或半數類而引之莫不各有一定
之度建昌郡志云撫州去豫章二百里將入十一度
建昌去豫章三百餘里正在十一度志瀘者按迹以
求遂以爲去府百四十里不知瀘之下鄉與金谿南
鄉並上鄉與南城東境並界畫未少逾於建昌也道
里縱橫尙無以辯況在天之度耶夫象垂於天精蘊
於地昔人於此驗政治察休祲未可以羣言淆亂而

不求所折衷也竊謂天道有常而變動不居一地之分卽繫以一星不以州郡之移而改而參差不齊乃陰陽氣化之所以運行使畫於一焉已爲冥頑不靈之物矣其要不出天體圓蓋列宿精光南北相射以氣相屬而不限於多寡之數古之聖哲進退羸縮有以神明會通於其際非斤斤執一土圭地球之法遂以窺見其精微而占兆之不爽也梁大同五年彗出南斗陳天嘉四年太白入南斗皆候在安城郡星象之符如響斯應第豐城劍氣射於斗牛之間歷代所

占應斗者十五六應牛者十二三豫章閩楚廣浙接壤如瑞昌志謂辰次不宜在斗崇義西連彬桂古長沙郡去斗分遠瑞州去汀州八十里於牛女差近萬載約在斗牛二星間隆安四年太陰犯牛豫章水災瀘溪偪在閩疆則牛候亦時所旁及也按豫章名見於春秋郡分於漢建昌屬豫章瀘爲建邑謹遵昔制列於星紀他若天市垣之東西蕃十二國十六星三台六星北斗七星五車五星則皆有豫章之分可相觀而驗者雖曰人事盡可以知天意而天象明益可

以勵人事矣

東南曰揚州其山曰會稽藪曰具區川曰三江浸曰

五湖其利金錫竹箭民二男三女畜宜鳥獸稻宜

穀周禮夏官職方氏

自南斗十二度至須女七度為星紀屬揚州

晉書天文志

吳地斗分野今之會稽九江丹陽豫章廬江廣陵六

安臨淮郡盡吳分也

漢書地理志

二十八舍王十二州斗秉兼之所從來久矣吳楚之

疆候在熒惑占於烏衡

史記天文官書

江南道蓋古揚州南境漢丹陽會稽豫章廬江零陵

桂陽等郡地洪江饒虔吉袁信撫建俱隸星紀分

其名山衡廬天台會稽大庾武夷其大川湘灑沅

澧浙江洞庭彭蠡太湖

新唐書地理志

北斗七星二曰璇法星主地其分為楚四曰權為時

主水其分為吳

三台六星上台下星主荆揚

天市垣二十二星在氏房心尾箕斗宮內東蕃十一

星六曰吳越西蕃十一星二曰楚

十二國十六星在牛女南近九坎各分土居列國之

象有變動各以其國占之省志云十二國有越無吳此春秋越滅吳後所

也占

五車五星次東南一星曰司空主填星楚分荆州主

黍粟以上俱宋史天文志省志云五車之占有楚無吳越當在戰國楚滅越後

玉衡第六星主揚州常以五巳日候之乙巳為豫章

癸巳為九江星經郭子章云廣信玉山俱屬會稽候以丁巳安福舊屬長沙郡當候

以癸卯

占候節畧

瀘溪縣志

卷之一 節畧

日蝕在斗春秋感精符曰國饑武氏曰吳地有兵月蝕在斗占曰國饑又曰兵起

月入南斗荆州占曰吳越有災期不出三年月犯南斗陳卓曰風雨不時兵起

月乘宿南斗占曰有風雨歲星犯南斗占曰吳越有災歲星守南

斗符堅議寇晉太子左衛率石越對曰福德在吳懸象無差未可犯也符融曰歲鎮斗牛吳越之

福堅不聽大敗而還按歲之所在為福歲之所衝為災史墨曰越得歲吳伐之必受其凶舊志歲星

作鎮星乃沿符融漢元鼎中值此其後越相呂嘉為變熒惑犯南斗

熒惑守南斗占曰為亂賊喪兵守之火其國絕嗣漢永和二年值此明

年揚州鎮星犯南斗乙巳占曰先水後旱鎮星守南斗占曰吳越

境亂有太白犯南斗晉惠帝永興元年陳敏寇揚州太白守南斗黃帝占曰

所守之國凶 辰星犯南斗天文錄曰辰星守南斗陳卓曰萬

物不成五穀傷敗 歲星熒火合於南斗占曰吳越饑旱不可用兵

太白鎮星合於南斗占曰吳越有兵太白晝見南斗占曰有兵喪

客星守南斗占曰有兵絕道大水盜賊起客星出南

斗石氏曰天下饑人相食關梁不通流星入南斗占曰穀貴民勞彗孛犯

南斗占曰吳越兵起有自立者雲氣干犯蒼白多風赤旱

有兵黑有火憂白氣出南斗側王肅曰蚩尤之旗也東南有亂

氣候

風氣和平無瘴氛毒厲之虞無大水旱螽蝗少至惟

切連閭嶠山谷四合邃靄鬱積之氣涌洩淫溢陰潤

恒多溫冷不常歲春三月多雨寒氣至二月漸退晨

霧則晴晴則暖雨則寒綿衣單袂早晚異宜清明時

多疾風暴雨四月梅雨不常陰晴蒸溽俗稱爛梅天

亦作霉磚礎皆潤五月多雨川谷驟漲俗呼端午水

夏至前後九日中必有大雨或連日俗呼夏九郎至

是始可御絺綌六月炎烈少雨七月熱益燥八月漸

涼或小雨浹旬亦復蒸濕俗稱白露逢壬為詹家天

或謂蒹葭之誤九月暑退亦多風雨俗稱重陽天十

月多晴氣暖俗稱小陽春間有霜十一月十二月寒甚雨雪冰凍自六月盡至十月早晚諸稻隨時登收然地寒水冷多宜晚稻必至晚收方云成熟下地早稻亦有再收者冬或久晴桃梨花開不為異大抵山高土疎氣洩鮮凝故人稟殊薄云李觀氣候論

時占

正月元旦有黃氣主年豐白凶青虫赤旱自元日至八日一雞二犬三猪四牛五馬七人八穀遇晴則吉元宵三日宜晴十四二月驚蟄日宜寒占百果十五晚稻十六早稻二月節前雷鳴占春多雪諺云正月鳴雷二月雪三月禾秧老生節言春雪主旱不得栽種也又云春雪一百二十日

瀘溪縣志

卷之一 時占

十六

後必有大水社三月三日聽蛙聲午前鳴高四月日宜雨晴則旱田熟午後鳴低田熟

一日宜雨晴則主太水立夏小滿日宜雨諺云立夏不下高田放罷小滿不滿芒種不管五月朔日不宜東風或東風終日米大貴多雨俗云端午水磨刀水夏九郎不應則防旱夏至宜在中旬

六月朔日值小暑大水值大暑人殃三旬中七月七值壬子主大水以立秋日占早稻遲早以前占河影沒三日復見八月朔日不宜晴中秋穀賤七日復見則穀貴八月朔日不宜晴中秋

則明歲元九月一日至九日北風則次年穀賤南霄多雨九月風穀貴以日占月如一日則占正月是也重陽日十月一日宜晴餘宜雨俗以為來尤關係一歲十月年澤濡之資以立冬日晴雨

占一冬晴雨霜雪多則十一月以南風占晴雪以來年豐太早則傷冬種十一月雪有無多寡占來年凶豐冬至日青雲見南十二月大小寒日有雪方占來年豐否則主旱則大小暑必雨

四季甲申

雨則穀貴

四時甲子

諺云春甲子雨赤旱千里夏甲子雨搖船入市秋甲

子雨禾生菰耳冬甲子雨雪霏千里

神農教耒耜洪範序庶徵成周以農事開國王業艱難風俗勤儉見於書之無逸詩之七月其迎寒逆暑耕耘蠶織之事諄諄不憚諄也誠以國家重

民生民事惟衣食五行則土爰稼穡孟子論王道首在不違農時節候之占所係不綦重哉未可以

田夫野老所傳聞而嗚喙加之也

疆域

縣境東西九十里南北八十里南至光澤縣玉佩界

二十里又至上公嶺界四十里東至光澤縣花山界

十里至光澤縣治九十里東至貴溪縣斗源界二十

瀘溪縣志

卷之一 疆域

里東北至貴溪縣前坑界十里北至貴溪縣饒橋界

四十里至貴溪縣治一百四十里西北至金谿縣岳

源界八十里北至金谿縣界頭山界八十里又至貓

兒嶺界八十里至金谿縣治一百里西南至新城縣

龍湖界六十里至新城縣治一百二十里西至南城

白玕肥株灣及雙魚石界七十里西南至南城縣流

湖界八十里至南城縣治一百六十里自本縣至府

城一百六十里至省城驛路四百六十里至江南二

千五百四十里至北京五千九百八十五里

隅都

舊以附郭為坊都圖為里坊以東西南北四隅為之
東隅一圖西隅一圖南隅一圖北隅一圖合之則四
圖為四坊外有四鄉統十六都都統二十六里一都
一圖二都二圖為歸仁鄉三都二圖四都二圖五都
一圖六都二圖七都二圖八都二圖為崇禮鄉九都
一圖十都二圖為遵義鄉十五都二圖十六都一圖
為順化鄉合之則二十六圖是為二十六里萬歷四
十八年大造知縣梁應掄平糧均編不立坊長名色

貫隅都三十圖共為三十里

形勝

崇崖深谷重岡複嶺察坑差石聳其南花山大覺峙
其東五雲玉馬倚其北邊山葛嶺障其西中橫瀘水
滌迴清澈舊志

吾邑絕大江數百里與閩粵為腹背人居各山水間

花草禽魚日變時異欲追騷人校江山醜好李觀論地宜說

過石口十里源為廟嶺兩山峭壁中夾田澗總三府

之路會入瀘溪

王之屏建縣申文

瀘陽叠嶂帷列縈水帶環 呂應元秀水溝記

出雲峯去邑兩舍許孤峭挿天湖東郡邑多發源於

此誠巨鎮也 潘元勳遊出雲峯記

瀘溪去郡最遠隔界於新城金谿東接閩之光澤 郭子

章郡邑表說

北郭嵌溪而門隔岸平步山臨流而立逍遙峯峙其

上游橫亘若長城 魏文潢險要圖說

蒼崖翠壁間厠隱顯水清而益駛其靈氣常鍾於人

彭建修雲林記

瀘溪縣志

卷之一 形勝山川

山川

山川亦封域屬也然表山以為鎮川即流貫聯絡其間又封域之大也瀘雖無泰華江河之嶽瀆而岡巒起伏溪流滌澗亦靈淑攸鍾巨崖幽壑按籍而稽稱一方之名勝焉

山類

五鳳山 峙於縣治前高張磅礴有迴翔千仞之概題以五鳳翔雲為附城八景之首 平步

山 在縣北有來鶴亭詳見亭榭 蓮花山 諸峯攢蹙高下相互宛若蓮花 南華山 在縣

東八里由麓達巔 登高山 在縣西一里 金竺山 在縣東一里有地廣數畝有庵

觀音堂 魚山 在縣西一里腰腹膨益 石馬山 在縣南一里昔

人見馬踐蹂田間 普濟山 在縣西一里下 逐之入山故名 有潭清瑩如鑑 日月山

在縣治 石笋山 在縣東二十里 筆架山 在縣東北 水口 有石尖圓如笋 十五里

塔山 山腰有小峯 駝頭山 在一都昂首 金山 在二都 擬峙如塔 張啄象若駝 有五雲

庵 五里山 在二都 白馬山 在二都有龍潭 長山 在三都 下有瑞相寺

陣雲山 在三都 靈姑山 在三都有長福庵 裏山 在四都 芙蓉山 有觀

在四都 岐山 在七都 南山 在八都 雲溪山 在九都 都 賜溪 礮溪

慶山 在九都 大竺山 在九都本名大旭以其面東而最高也 自山麓至嶺竟日方達望可

數百里後避宋神宗諱改大竺有庵 都溪山 在十都綿亘數里與雲溪角立 寶應山

瀘溪縣志

卷之一 山類

在十都 眞 東山 在十都 中華山 在十一都 福源山 在 如寺後 一都 有三仙殿

二都 上山 在十都 馬鞍山 在十三都 前昂 有寺 三都 中凹狀若馬鞍

峯類

九龍峯 在縣西北五里有庵 龜山 九支奔赴於此如 辟龍騰躍每晨朝烟霧橫靄題以九龍朝烟

爲附城八 妙高峯 在縣北五里有庵 傳宰 建一 景之一 山高峙疎風四至日斜後霽靄

涼吹令人飄然意遠題 逍遙樓 在縣東二十里 宋 以妙高晚風類爲八景 時峯鳴聞數里而

李觀生層崖複壁四畔如矛戟森列中則軒敞爽 豁有樓閣忝差窓疏玲瓏之狀題以逍遙嵌空類

爲八景其下有道 金鷲峯 在縣北八里外險峻而 遙峯庵 傅姓建 內寬平嘉靖壬子流徒

百餘人負嶠納寨肆行剽掠 仙獅峯 在縣東十里 官兵追之始散 舊有庵今毀 有庵黃一宗

建 雙螺峯 在縣東北十五里兩 鼓樓峯 在縣東十
八里有庵

紫雲峯 在縣南二十里 萬靈峯 在縣南十五里 雙尖
有庵林一宗建

峯 在一都傳有仙 船嶺峯 在一都有庵滿溪
人下棋於此 瑞溪龔姓同建 出雲峯

在二都聳峙半空為瀘山冠非日麗天高常有雲
橫其上舒卷疾徐變態萬狀右背辟岫蜿蜒橫亘

數十里背負金谿別稱雲林表為邑東之雄面臨
瀘境據二三四五都之上游懸崖峭壁重巖復翻

憑眺所至千里獻伎晃朗無極昔人列以十景標
題紀異旁郡名流多於七夕中秋前後秋清雲斂

裏構來遊相與唱和吟咏誠一邑之最勝也 上泮
潘元勳石文器有記周立愛有賦見藝文

峯 在二都嶺建三仙殿觀音堂周立愛有記 自予
地西去為金谿山漸低伏地勢漸坦夷出雲峯最

高而橫絕於東自是蜿蜒數里蠱起聳峙為上泮
峯予半霞別墅踞在村北上泮峯紆迴數疊屏列

瀘溪縣志

卷之一 峯類

於前嶺頭霧鎖則其下孤巒翔拱籠芳標翠曉霞
欲曙則修眉遠黛靄綠浮紅其吞吐於風雲日月

之精華惟有心人自領取耳山自下而上約二里
許峯鏡若鉞戟前俯一坳稍展環山麓居者周張

李曾石諸姓烟戶幾以千計撫其勝概相與哀資
建豎均分二級上級砌石為三仙亭下級構小屋

為大士堂僧舍傍附齋庖數楹丐施田計穀四十
餘担服食可給二三人歷有僧居住村俗相沿依

仙佛求福利或認為香火之場一二達識與遠方
游屐登眺其上瀘疆錯互於南嶽寧奔突重巖樓

壁墮雲道雨西望繡谷烟舍比密晴文鱗疊原野
衍沃碧浪平鋪雖不足語於神臯奧區以視柳州

諸遊記亦登臨之一勝也年來僧多昏駸頗為無
賴遊食破落侵陵醫瘡剗肉因不可支遂闕無其

人矣予為糾集里人將貪猾劫假之田額收其租
為來僧駐錫計仍設法歲舉常規以禮檀主此外

一物不容濫冒迄今數載任持畧有起意予雅不
喜緇流非以其與吾儒異道就其所服習不能以

戒律自持拙者局戶群居酣嬉飽食巧者商算盈縮治產營私其甚而奸狡柔媚剛愎險賊爲世蠹孽又無論矣茲土歆側迫隘不能招集多人又僻介陬隅不雜城市紛囂慧黠者無所用其技擯而不居一僧蕭然椎鄙捫撲與傭作其斤鉏樹麻而衣播穀而食則雖長存是廬以爲眺覽之居停可也

星映峯 在四都 雙蛾峯 在六都棟梁 蔓蘿峯 在六

都棟 黃雀峯 在七 琵琶峯 高田李 鸞頭峯 在七都 梁 梅軒建 賜溪

鷄鳴峯 在九 芙蓉峯 在十都 蓮花峯 在十一都 嶺 都 如寺前

祈禱 西華峯 在十四 三十六峯 在十 簞竹峯 在十 必應 都有庵

養老峯 在十六都 山高嶺峻下鄉要路邑侯白委郎 子雋林欽士糾衆建庵往來休息稱便雍正

七年庵燬是 銀屏峯 在十六 在踵起者 都有庵

瀘溪縣志

卷之一 峯類

嶺類

雋嶺 距城北三里許邱子雋獨力開修故名乾隆十 五年萬大春於嶺下左麓剔除新道林廷標林

瞻灝協募勸林苞九林振宗 查藍嶺 在縣南 神嶺 廢田成之行者便其坦直 五里

在縣北 馬頭嶺 在縣北 長興嶺 在縣南 高嶺山 在 五里 十里

都劉姓村後周圍數里地名各異北至炭嶺黃 茅源界連金邑明季劉萬載買於官給有印照

蔡家嶺 在 紙錢嶺 在二 上元嶺 在二 溪南嶺 在二 都 都 都

黃土嶺 在 三口嶺 在 佛塔嶺 在 三台嶺 在 都 都 都

馬鞭嶺 在 安畚嶺 在 長嶺 在 都 都 都

旗坑嶺 在 葛嶺 在 牛路嶺 在 石斛嶺 在 都 都 都

浙通衢

嶺頭有將軍廟鄭廷柱糾眾捐糧一石零歲施茶以飲行人獅子嶺自麻地窠籠窠仁峯嶺江家嘴至飛鳳岡八都禮慕萬歷四年金谿李松二十七訟爭經巡撫都院斷歸瀘溪

縣案存

巖類

大覺巖 在縣東四十里嶽崎險峻上有石覆出成巖巖內石羸出畫分為三若三堂然宏敞可容

數百人泉竇隨人之多寡以給巖左石笋孤懸十餘丈右嵌石結禪關由穴孔入前後諸峯舉遠瞻

下遁怪獻奇莫可名狀有遊僧刊木除道沿崖架屋以妖術煽惑男女聚集日繁僧益驕肆樹旗鳴

號以此坐法崖屋焚燬近有嗜學者小覺巖距大

數里二巖下俱有龍潭歲旱往求必二潭並禱始應燕子巖在一風巖

雷公巖 電母巖 二巖俱在二都出雲峯或風或雷或電從巖內微起布滿四方

南風巖 在四都詳見 龍馬巖 在六都詳見 高石巖 在十六都

鄉要路崎嶇險仄跋履甚艱康熙三十二年里人邱子雋開鑿平坦并架石橋往來稱便

石類

棋盤石 在縣南五里何家山方正如几左攔馬石 在

西北朱崖石 如擎柱插天苔蘚斑駁映日鮮明雖十里距城二十里舉目可見題以朱崖扶

日為八頭巾石 一在高阜 交椅石 在一 磴石 在二

石相擠下開上合路牛耳石 在四都法水寺前似從中過今一石塌斷

鑿痕驗之經時生合如故中鼓石 在四都高潤四窟清泉湧出又名牛耳泉

繩繫之狀 猪婆石 在六都 鯉魚石 在七都 將軍石 在十三都 屹立

溪邊有顧盼 雙魚石 在十三都 姚坊 紗帽石 在十六都

礫類

雲騰礫 在二都 白水礫 在五都

溪類

瀘溪 發源光澤老鴉坑至黃石口直下北邊縣 梘溪 治抵三溪過高阜流出貴溪三洪砦口

在縣東十里發源大覺 稅溪 在一都發自斗源 巖至沙苑與瀘水合 至高阜與瀘水合

龍溪 在五都發 官溪 在七都 賜溪 在七都 潘溪 在八都

三溪 在十六都瀘水與南港水會於此

瀘溪縣志

卷之一 礫類溪類

港類

嚴槎港 在一都發源二都石倉由 大港 在八都 嶺村港 在十一都

諸小水于茂林由桐埠歷南城察坑至硝石會新

城彭田港 在十三都發源雙畚至石峽會雲溪水

二水過珥玕邊曲澗 南港 在十五都發源福建經至龔家灘合龍溪水 葛坪至三溪合瀘水

澗類

焦澗 在縣東八里 曲澗 在八都孫奎記肝東北有水其流甚曲兩山夾輔而去因以曲澗名

潭類

大石潭 在北關三里許波流滌迴深邃澄碧夜月上臨空靈清澈輝影沁人題以石潭印月類爲

善濟潭

在縣南二十里方家山有龍居之李唐時勅封善濟王四面崖石壁立溪溜如建甌俗云

天稅潭上橫石如門限水大渾濁則暴瀉前溪清小則入潭中澄瑩深渺歲旱虔禱甘雨隨降或不

鷺公池潭

鴨公池潭

俱在二都石壁四立內有二潭傳云老龍居潭中遇旱附

近居民多於此祈雨

白馬山龍潭

在二都白馬山嶺

魚鱗山龍潭

在

都普仁寺山澗數丈形如圓月聳立萬仞上有石磴瀑布飛洒濁穢分注清水於潭中深不可測俗呼為海眼側有龍王廟歲旱以鐵符投潭則雨成化中有巫者主壇命兒投鐵符於潭雷雨暴至一黑犬追兒隨死人謂龍怒傷之

美女潭

在十五都篁竹峯下

禁潭

在十六都三溪

瀘溪縣志

卷之一

潭類泉類

泉類

酒泉

在縣東椒澗舊傳有叟市酒里中一道人日來造飲叟不甚責償因謂叟近地可獲泉否叟答

不數武有泉穴遂偕叟至指曰第投米一粒可為酒忽不見自後客至叟投粒米旋汲泉飲之咸稱

佳醞叟以此饒一口道人復過問酒泉無恙乎叟謫曰顧無糟可飼畜道人笑云汝乃塵心不厭若

此便擲一小石泉中不復酒矣今

溫泉

在四都一行者以手掬水尚作酒香

各法水在法水寺之左舊從泉下砌石為方池四尺許淺深任人蓄洩四時水溫如炙嚴寒尤熱遠近就浴池中歷冬夏無間長老云溫泉所出非一蒸氣多類硫黃此獨否是稱奇勝

詳見牛耳石

靈泉

在六都東源廟側穴如足形傳為廟神遺跡苦瘡癰者汲泉濯之多愈一

各聖泉

井類

魚塘井在一都靈井在出雲峯絕嶺泉極甘瑩隨飲人多少汲之不竭

風俗

其地山環而聳水潔而淺故氣高好勝而多情慳質

美好文而少財蓄舊志

無土山無濁水民秉是氣往往清慧而文劉禹錫文

其人足衣食俗稚少機不肆文法為獄訟事自重惜

而居各山水之間摶禮義探儒雅使人見之心竅恢

恢然李盱江集

民務勤力耕作士雅尚詩書嚴氣節豈其五鳳出雲

鍾靈固有自耶李子高樂土說

其地山高水清其民氣剛而才武其士多以經術文

章致大名取高科而登仕籍者亦不絕於世朱文公題名記

宋有二李之理學饒廷直之節義明有石玉完之文

章宦績李大開之忠勇其餘風流習傳於民俗者可

知已李伯廉序

按瀘俗治生營田產農三時務耕作其餘刈竹煮絲

以楮業相高女子不事容治或數日紡績即成布以

自給者家敦詩書肆力藝文儒術雖村野曲巷吟咏
時聞重遠行不爲商賈無累積巨貲之家吉凶慶賻
親隣吊祭必至族力稍充立宗祠墓祭之田其涵煦
於

聖朝之庥澤者深矣但蠢且不軌潛匿夥賭往往千金之
產爲不肖子數年揮散無餘近奉

上厲禁州縣稽察法究多方勸誨少爲衰止而積行未
除稍寬故態復萌矣又瀘境皆山藉竹木生活游閒
盜砍所在多有最病者一都界連金谿有族村頭烟

瀘溪縣志

卷之一 風俗

二十七

戶數百累世姻習歷被侵擾每至輒數十人瀘地村
小往阻多爲毆傷甚將阻砍之人轉捩手足縛置於
樹俟家人尋至纔得解脫或冀詳請轉牒伊縣飭禁
庶可儆革不然此地之害匪小也至沿俗溺女茶喪
不葬婦人出頭向官借朝拜遊寺觀新婦鬧房惡語
穢褻不堪雖江右風氣大抵皆然而就瀘言瀘是不
無望於司教化者

四時土俗大畧附

歲首

男女夙興各整服拜天地祖先畢序拜尊長然後與族親鄰里交賀遞茶兄弟叔侄輪日設春

酒為慶

新年

新春以迎春土牛首紅白等色占水火疾疫等事勾芒神鞋帽占寒燠晴雨

元宵

廳堂房室各張燈燭併遍送田野廟社村坊或縛篾糊紙為燈以聚觀驚蟄以秣穀投

焦釜爆之以花而妍者吉置石灰少許於柱礎調不生虫蟻

花朝

人家多行婚禮做古仲春

水泮會男女之意

春分

先後數日分移各種花木祭社村堡釀錢為會於社廟春日祈

秋日報李

清明

先一日為寒食家至先墓除草覆土以竹木懸楮錢插於墓上自是

日起至穀雨日止各具牲醪糝餅祭諸先人墓謂之醮墳穀雨

求嗣者多於是日禮神取生育

之四月八日

是日各餵牛於家不耕田

端午

午時貼門符懸縛艾蒿菖蒲人啖角

黍飲雄黃菖蒲酒小兒將菖蒲葉繫腰謂能辟邪百草水浴不生疥

六月六日

家晒衣服

瀘溪縣志

卷之一 風俗

書籍以去虫蠹

七夕

婦女多望中元俗謂鬼節多設僧會薦亡日孟蘭會

秋

是夜家具茶果謂之賞月多用西瓜圓餅取月圓之義

九日

插菊花飲茱萸酒相拉登高為

樂十月一日

舊俗用宜衣楮錢於各墳墓燒化謂之送寒衣冬至瀘地村必有祠

先夜於祠設燈燭坐守黎明大會族姓祭始祖頒祚飲福抵暮而散

臘月掃屋塵祀

竈

多用二十四日歲除家設酒穀祭祖先及土神畢俗謂灶神朝天會飲鳴鉦鼓貼桃符放爆竹

或列炭數行燒辟瘟丹圍爐更次坐謂之守歲

街市

街類

十字街

在縣前

東街

西街

南街

北街

學前街

門近南瀘頭街在東司前街在北高阜街在一

嵩溪街在四桐埠街在十

市類

斬源市在十草坪市在十茂林市在九石峽市在十

鎮類

楓林鎮在六

瀘溪縣志卷之一終

瀘溪縣志

卷之一街類市類